

Inatsisartut suleriaasianni § 37 imm. 1 naapertorlugu, Naalackersuisunut apeqqutit matumuuna allakkatigut saqqummiunneqarput.

Naalackersuisunut apeqqutit:

1. Aalisarnermut inatsit nutaaq (UPA2024/35) naapertorlugu:

Aqutsiveqarfimmi 47-mi qaleralittassiissutit pisassiissutit niuerutigineqarsinnaasut nammineq pigisanut (PNNP) aalisartup nuussimasani tunisariaqarsimagunigit, annaagunigilluunniit, allallu assigisaannik qaleralittassaminnik tunisiumangippata, taava aalisartoq taanna pineqartoq:

- a. aqutsiveqarfimmi pineqartumi qaleralittassanik pisassiissutinik niuerutigineqarsinnaasunik piseqqaanngikkaluarluni, inuussutissarsiutigalugu namminneq qaleralinniarnissaminut periarfissaqassava?**
- b. aqutsiveqarfimmi pineqartumi paggatassiissutinik inuussutissarsiutigalugu nammineq qaleralinniarsinnaassava?**

2. Inatsit apeqqut 1-miittoq naapertorlugu:

Arlaannaaniilluunniit qaleralinnut pisassiissutit niuerutigineqarsinnaasut nammineq pigisaniit (PNNP) immikkoortoq 47-meersunik agguanneqareersimasunik tunisaqartoqarusunngippat, aalisartorlu pineqartoq PNNP-mut ikaarsaareernikuugaluarluni pisassaateqarsimangikkuni, aqutsiveqarfik tassanerpiaq angallatiminik inuussutissarsiutigalugu qaleralinnik aalisarsinnaalluni tunisaqarsinnaanissaanut arlaannaatigulluunniit periarfissinneqarsinnaassava?

3. Inatsit apeqqut 1-miittoq naapertorlugu:

Naalackersuisut tamarmiusut isumaqarpat, inuussutissarsiutigalugu aalisartut PNNP-mut nuunnikut, Aalisarnermut Naalackersuisup arlaleriarluni oqaatigisai malillugit “kiffaanngissuseqarnerulertut”, naak pisassiissuseriaatsimut tassungarpiaq pituttorsimaneq patsisigalugu allatigut inuussutissarsiutigalugu qaleralinniarnissaminut kiffaanngissuseqartumik toqqagassaqarsinnaatitaajunnaaraluaruartut?

(Inatsisartunut ilaasortaq Jens Napaattooq, Naleraq)

Tungavilersuut:

Pinngortitaq, ajutoorneq, peqqiilliornermik aallaaveqartumik, piffissap ilaani ulluinnarsiutit matussuserniarlugit, imaluunniit arlaatigut aningaasaqarneq patsisigalugu aalisartup qaleralinnut pisassiissutini pigiunnaarsimagunigit, taava taanna inatsit nutaaq naapertorlugu aalisartut “kiffaanngissusaat” killillersorneqarnerulissaaq, Aalisarnermut Naalackersuisup arlaleriarlugu oqaatigisaata killormuanik pineqalissalluni. Taamaammat apeqqutit saqqummiunneqarput.



Apequtigineqartut ullut suliffiusut qulit (10) iluanni akineqareersimanissaat piumasarineqarput. Nutsernerani paatsuungasoqassatillugu kalaallisut allassimasoq aallaavigineqassaaq.